

# Canoungé George

## Sènso regrèt

### I - LI POUÉMO

#### FARNIENTE

Souto la triho  
d'uno famiho,  
dins lou repaus,  
lesi pas faus,  
lou tèms s'esquiho  
qu'es meravaho !  
Es en coungié  
L'ome-bergié.

De flour superbo,  
de bònis erbo  
tout à l'entour  
fan de sentour ;  
lou soulèu douno  
panca d'autouno,  
un vènt d'uba  
decesso pas.

Uno figuiero  
sèmpre pariero  
porge si fru  
tant que n'a'gu ;

au founs i'a l'aire ;  
que, blu, s'esclaire  
de la lusour  
d'aquest bèu jour.

A nosto drecho,  
vesioun estrecho,  
i'a dous abet  
espés e dre,  
sèmblon aquito  
dous acoulito  
o dous sarjant  
souloumbrejent.

Demàn, la vilo  
vasto e moubilo  
retroubara  
lou desoubra ;  
soun coungié passo  
e la meirasso  
fin-qu'à la mort  
lou voudra fort.

Vau-Rias, 27 de juliet 73